

證治準繩

十一

陸



外科

灸  
淋洗  
腫瘍

鍼烙  
將護

砭鎌  
禁忌

敷貼



內閣文庫	
番號	漢 12971
冊數	100 ( 52 )
函號	301 60



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



灸九

元戎云瘡瘍自外而入者不宜灸自內而出者宜灸  
外入者托之而不內內出者接之而令外故經云陷  
者灸之灸而不痛痛而後止其灸灸而不痛者先及  
其潰所以不痛而後及良肉所以痛也灸而痛不痛  
而後止其灸灸而痛者先及其未潰所以痛而次及  
將潰所以不痛也 凡人初覺發背欲結未結赤熱  
腫痛先以濕紙覆其上立視候之其紙先乾處即是  
結癰頭也取大蒜切成片如當二錢厚薄安於頭上  
用大艾炷灸之三壯即換一蒜片痛者灸至不痛不

灸

水斗一

三

痛灸至痛時方住最要早覺早灸為上一日二日十  
灸十活三日四日六七日活五六日三四活過七日則  
不可救矣若有十數頭作一處生者即用大蒜研成  
膏作薄餅鋪頭上聚艾於蒜餅上燒之亦能活也若  
背上初發赤腫一片中間有一片黃粟米頭子便用  
獨蒜切去兩頭取中間半寸厚薄正安於瘡上着艾  
灸十四壯多至四十九壯一法云灸乃開結破硬  
之法倘有一點白粒如粟米起四圍微腫如錢便當  
於米粒上着艾火十四五壯三日內灸者只成灸瘡  
而散三日外者其腫漸小宜多灸之或灸火着處則

結熱可伸灸處先潰則毒勢分減庶免展開不致下  
陷及壞筋骨傷氣血也所謂灸至不痛者謂着皮肉  
未壞處則痛火至着毒處則不痛必令火氣至着毒  
處方止所謂灸至痛者謂初着毒處不痛至好肉則  
痛必令火氣至好肉方止畏灸者或用獨蒜瓣或用  
豆豉餅或用椒薑鹽爛搗捏作餅子如當二錢厚鋪  
艾灸之熱則易新餅亦可散也灸乃從治之意惟  
頭為諸陽所聚艾炷宜小而少若少陽分野尤不可  
灸灸之多至不救亦有因灸而死者蓋虛甚孤陽將  
絕其脉必浮數而大且鼓精神必短而昏無以抵當

火氣宜其危也。又精要云腦為諸陽所會頸項近

咽喉腎俞皆致命之所俱不可灼艾。

河間灸刺法謂凡瘡瘍須分經絡部分血氣多少

穴遠近從背出者當從太陽五穴選用至陰在足小指

外側去爪甲通谷在足小指外側束骨在足小指外側

中崑崙在足外踝後委中在膕中央從髀出者

當從少陽五穴選用竅陰足小指次指端夾溪在足

次指岐骨間臨泣在足小指次指陽輔在足外踝上四

骨端如陽陵泉在膝下一寸從髀出者當從陽明

五穴選用厲兌在足大指次指內庭在足大指次指陷

谷在足大指次指冲陽在足跌上五寸骨間解谷在

陽後一寸五分從腦出者則唯絕骨一穴在外踝上

中詳見癰疽灸經

騎竹馬灸法治一切瘡瘍無有不愈令病人以肘凭

几豎臂腕要直用篴一條自臂腕中曲處橫紋男左

女右貼肉量起直至中指尖盡處截斷為則不量指

甲却用竹杠一條令病人脫衣正身騎定前後用兩

人扛起令病者脚不着地又令二人扶之勿令僵僵

却將前所量臂篴從竹杠坐處尾骶骨盡處直貼脊

背量至篴盡處為則用墨筆點定此只是取中非灸

穴也却用薄篋作則子量病人中指節相去兩橫紋  
為則男左女右截為一則就前所點記處兩邊各量  
一則盡處即是灸穴兩穴各灸五七壯疽發於左則  
灸右疽發於右則灸左甚則左右皆灸蓋此二穴心  
脉所過之處凡癰疽皆心火留滯之毒灸此則心火  
流通而毒散矣起死回生之功屢試屢驗  
劉宗厚曰此謂癰疽初發宜灸之也然諸瘡患久成  
痛者常有膿水不絕其膿不臭肉無反肉尤宜用附  
子浸透切作大片厚三二分於瘡上着艾灸之仍服  
內托之藥隔三二日再灸之不五七次自然肌肉長

滿矣至有膿水惡物漸漬根深者郭氏治用白麵硫  
黃大蒜三物一處搗爛看瘡大小捻作餅子厚約三  
分於瘡上用艾炷灸二十一粒一灸一易後隔四五  
日方用翠霞錠子并信效錠子互換用之紅入瘡肉  
反肉盡去好肉長平然後貼收斂之藥內服應病之  
劑調理即瘥矣蓋不止宜灸於瘡之始發也大抵始  
發宜灸要汗下補養之藥對證至灸冷瘡亦須內托  
之藥切當設反逆不唯不瘳恐致轉生他病之患也

鍼烙十

凡用鍼烙先察癰疽之淺深及膿未成已成高阜而

軟者發於血脉腫平而堅者發於筋脉皮色不相辨者發於骨髓高阜而淺者用鉞鉞開之疽始生白粒便可消退漸長如蜂窠者尋初起白粒上烙及四圍烙四五處如牛項之皮者疽頂平而淺者皆宜用火鉞烙之其鉞用圓鉞如筋如緯鉞大頭圓平長六七寸一樣二枚蘸香油於炭火中燒紅於瘡頭近下烙之宜斜入向軟處一烙不透再烙必得膿也瘡口烙者名曰熟瘡膿水常流下不假按抑用紅藥使瘡口不合舊用紙撚及新取牛膝根如瘡口大小畧刮去皮一頭繫線絛之不用翠青搜膿等錠子臨用以

糯米飯和成軟條子看淺深絛之外用拔毒膏貼之瘡毒未成烙之可散潰而未破針之可消但要用得其宜耳若當用針烙而不用則毒無從而泄膿瘀蝕其膏膜爛筋壞骨難乎免矣若毒深針淺膿不得出毒淺烙深損傷良肉不當其所他處作頭此皆不能瘡疾反增痛耳或癩癰潰久不瘡漏瘡經年或通或閉癰疽瘡口不收皆因冷滯不能收斂亦宜瘡口內外四畔烙之癰疽正發及膿見後紅腫焮開用鐵針燒赤四圍刺之則紅腫隨縮矣 薛新甫曰毒氣已成者宜用托裏以速其膿膿成者當驗其生熟深淺

而針之膿生而用針氣血既泄膿反難成若膿熟而  
不針腐潰益深瘡口難斂若瘡深而針淺內膿不出  
外血反泄若瘡淺而針深內膿雖出良肉受傷若元  
氣虛弱必先補而後針其膿一出諸證自退若膿出  
而反痛或煩躁嘔逆皆由胃氣虧損宜急補之若背  
瘡熱毒熾盛中央肉黯內用托裏壯其脾胃外用烏  
金膏塗於黯處其赤處漸高黯處漸低至六七日間  
赤黯分界自有裂紋如刀劃然黯肉漸潰矣當用鉗  
針利剪徐徐去之須使不知疼痛不見鮮血為妙雖  
有裂紋膿未流利及膿水雖出而仍痛者皆未通於

內並用針於紋中引之患於背胛之間肉腐膿出腫  
痛仍作此內有毒筋間隔膿未通耳尤宜引之若元  
氣虛弱誤服尅伐患處不痛或肉將斂急溫補脾胃  
亦有生者後須純補之藥庶可收斂若妄用刀針去  
肉出血則氣無所依附氣血愈虛元氣愈傷矣何以  
生肌收斂乎 又曰鍼灸之法有太乙人神周身血  
忌逐年尻神逐日人神而其穴有禁鍼禁灸之論犯  
之者其病難瘳理固然也但瘡瘍氣血已傷肌肉已  
壞宜迎而奪之順而取之非平人鍼灸之比何忌之  
有外科精義云瘡瘍之證毒氣無從而解膿瘀無從

針各

針各

三五

而泄反攻於內內既消敗欲望其生豈可得乎危惡  
之發於致命之所禍在反掌腹癰囊癰二便不通胸  
腹脹悶脣疔喉痺咽喉癰塞其禍尤速患者審之  
蟻針法治癰疽初作先以筆管一箇入蟻蟻一條以  
管口對瘡頭使蟻吮瘡膿血其毒即散如瘡大須換  
三四條若吮正穴蟻必死矣累試累效若血不止以  
藕節上泥塗之若瘡頭未明以井邊泥塗上先乾處  
即是按此法可施於血實毒淺之證若積毒在臟  
腑者徒竭其血於外無益也一人腦後患瘡癩發腫  
盛用此而瘡一小兒赤疹取七八大蟻吮其血疹消

三日太熱而效

砭鎌十一

素問云血實宜決之扁鵲云病在血脈者治之以砭  
石但見腫起赤色遊走不定狀如丹瘤先以生油塗  
赤上以鑷鎌之決洩其毒不可太深內經謂刺皮無  
傷肉其法雖治瘡疽不可輕用也

敷貼十二

瘡腫初生似有頭而未起即當貼溫熱藥引出其熱  
毒火就燥之義也若瘡腫初生即高起四畔嫩赤宜  
搗生寒藥貼熒折其熱勢驅逐其邪惡撲火之義

敷貼

小兒

三三



也。大抵敷貼之法，欲消散腫毒，疏通血脉，寒熱錯綜，皆期於不成膿也。凡腫皮厚者，以軟帛或綿紙塗藥貼之，待其藥乾，方換腫皮薄者，用疎紗或薄紙塗藥貼之，其藥未乾，即當換之。至膿潰之後，即貼溫藥，貼之。其藥要在逐臭腐排惡汁，取效。肌生良肉，全藉溫熱膏劑之力也。切勿用寒涼藥水調貼，令血滯而難瘥。蓋血脉喜溫而惡寒故也。集驗云：癰疽無頭起者，用神牙膏、靈龜膏、拔毒膏、正鐵箍散貼之，即令消退。潰膿者，用靈龜膏貼之，或用追毒膏去膿，或用筒子收膿。有頭疽瘡，每於洗後，視赤暈闊狹，用涼水

調大鐵箍散成膏。隆冬用溫水調，如人肉溫貼之。腫赤盛，用生地黄自然汁調貼。圍貼之法，從四畔紅壘處圍貼，用皮紙掩上瘡，有旋生白粒散漫如米如豆者，用銀篋尾撥去瘡眼，用老皮散傅之，再換新藥傅之。凡熱多則赤，焮腫散熱甚則紫黑，外寒鬱之亦紫。血虛無寒則青白，大鐵箍散正鐵箍散乃常用之藥。或因風寒熱及穢氣厭觸等證，四時寒熱不同，又宜從權設法。熱者宜三黃散，熱甚宜三消散。風者加羌活、防風、風氣滯者加木香、寒鬱加桂、穢氣觸者宜加香藥熏之。腫處脆嫩者，去白芨去貼藥時看毛下竅

中當有汗珠此則血脉踈通熱毒消散赤暈漸縮膿潰痛止變逆為順皮毛潤活要作良肉但疽頂有些少腐開不用刀剪如藥下不生汗珠腐敗必闊必多也膿後圍貼則收散漫遺毒盡隨膿出瘡口貼拔毒膏藥如膿出不順用追毒膏惡肉不去用金寶膏敗肉去後圍貼則氣血活新肉易長瘡口用長肉膏敷貼之藥與淋洗藥並行同功 郭氏法如有頭瘡疽就便用朱砂備急膏一丸如黃豆大安於瘡頭上却用軟粘膏藥蓋護之其瘡必破如瘡暈紫黑色外用宣毒散周圍敷住毒氣如瘡暈赤紅色用水澄膏

敷之次日用堅峻碧雲錠子開了瘡口次用緊緩碧霞錠子去其歹肉稍淨却用緩慢碧玉錠子生肌總名青金錠子不拘日數直待歹肉去淨單用膏藥貼之候膿水盡肌肉平方許貼生好肌斂口之藥若依此法免教人受刀剪針烙之苦如是無頭癰腫待膿成用針刺破方依法收功也

淋洗 十三

古人論瘡腫初生經一二日不退即須用湯水淋射之其在四肢者濡漬之其在腰腹及背者淋射之其在下部委曲者淹漬之無非踈導腠理通調血脉使

小先

小中

三五

無凝滯也集驗云淋洗之法每用藥二兩水三升煎  
取一升半去渣以淨帛或新綿蘸之乘熱湯其患處  
漸覺喜濕仍淋浴之稍冷則急令再換慎勿冷用腫  
瘍宜紫葛湯一日五七次洗之每洗後拭乾視瘡頂  
上有白粒如米大者以五灰膏點破之瘡眼傅老皮  
散次用水調大鐵箍散圍貼四邊紅腫處用正鐵箍  
散水調貼瘡口再洗則先去舊藥每次洗換新藥  
如前潰瘍用猪鬃湯一日一二次洗之仍用大鐵箍  
散如前圍貼瘡口上用追毒拔毒等貼之敗肉去後  
間二三日一洗之可換長肉膏貼之淋洗之功癰疽

初發則宣拔邪氣可使消退已成洗之則疎導膿毒  
調和血脉探引熱毒從內達外易深為淺縮大為小  
紅腫延蔓洗之則收般紫黯黑洗之紅活逐惡氣祛  
風邪除舊生新如瘡口冷滯不收者濃煎北艾湯洗  
燒松香兔毛熏之淋洗之藥可與鐵箍散並行同功  
大抵灸烙漏潰各有所宜凡疽則宜灸不宜烙癰  
則宜烙不宜灸丹瘤腫毒宜漏潰之腫皮光軟則針  
開之以洩其毒認是疽瘡速以艾炷如菽豆許灸  
二百壯灸後覺似熾痛乃火氣下徹毒氣隨火而出  
若其瘡痒宜淡豆豉以椒薑鹽葱和搗捻作餅子如

當三錢厚安瘡頭上灸之覺太熱即擡起又安其上餅乾再易新者若其瘡痛即須更灸壯數以多為妙已成膿者不可灸當針開之初覺背上有瘡疼痒畧異認是發背即取淨土水和捻作餅子徑一寸厚二分貼瘡上作艾炷灸之一炷一易其瘡粟米大時可灸七七壯如錢大者日夜不往灸以瘡為度其疔癰惡瘡諸法不驗者取蟾蠩剪去兩頭安瘡口上以艾灸之七壯一易不過七枚無不効者又法以乞火婆蟲同煎灸之累試累試人皆秘之往往父子不傳

將護 十四

齊大凡有瘡疽生皆只如黍粟粒許大其狀至微人多不以為急此蘊太患宜速辨之不可自忽若能防之於未形理之於未成或朝覺而夕治求治於良醫則必無危困矣若因循慢忽詢於庸醫致令膿血結聚委之於命束手待斃悔之何及可不慎歟夫以不貲之軀托命庸醫任意措置危殆立至若用良醫則可保痊癒用醫之際不可不擇辨之何難若能飽讀經書久諳證候湯藥熟閑洞明色脉性情仁善孝義忠信臨事不惑處治有决方為良醫委用勿疑然後要在病人自克不可恚怒悲憂叫呼忿恨驕恣情性

信在口腹馳騁勞役惟宜清靜恬澹耐煩為宜於患  
人左右止息煩雜切忌打觸器物諸惡音聲爭辯是  
非呪罵鬪毆及產婦淫男體氣不潔帶酒腥羶雞犬  
乳兒孳畜禽獸並須遠離設或親友重意問疾者可  
以豫囑徐行低聲款曲伺候禮畢躬退勿令嗟呀驚  
怪話舊引其遊賞宴樂遠別親戚牽惹情懷但恐病  
人心緒悽愴尤不可亂舉方藥徒論虛實惑亂患人  
疑滯不決祗合方便省問不可久坐多言勞倦病人  
深不長便夫侍患者宜須壽近中年情性沈厚勤謹  
耐煩仁慈智惠全在調以粥藥無失時節勿令於患

人左右彈指嗟咨掩淚竊言感激病人甚不利便  
食之間忌慎非細不可不載畜中勿食驢馬駝騾猪  
狗牛羖羊等并雜魚龜鼈蝦蟹及淹滷臭陳自歿病  
倒之類慎勿嘗啖飛禽之中忌食鵝鴨鴻鷹雀鶴鴛  
鴦鷺鷥鳩鴿鴉雞雉及能學人言者野獸之中忌食  
獐鹿狐兔虎豹熊豺及爪牙害人有毒蟲獸并父母  
自本命生屬菜蔬之中忌食黃瓜茄子蘭香芸薹胡  
荇生菜蓼芥菌瓠韭蒜葱薤果木之中忌食桃李杏棗  
栗李柰梨梅櫻棗紅柿櫻桃胡桃榛松林檎及諸蟲  
蚶未熟之果若其瘡疽膿潰腫消氣血虛弱則可食

羊肉鵪鶉蔓菁薑醬瓜薺蘿蔔及黃白糧米細米稀  
粥軟飯若至肌肉漸生思想滋味則宜食白熟酥餅  
羹粥羹湯熟軟溫和稀稠得中製造如法勿令太飽  
此時猶忌饅頭蒸餅餠餛飩肉角煎餅及炙煨燠  
煇煎炒鹹酸油膩脂肥魚肉若至肌膚欲平惡肉去  
盡瘡口收斂之際尚忌起立行步揖待賓客房酒宴  
會嗔怒沐浴登陟臺榭運動肢體寒暑勞倦正宜調  
節飲食保攝以待瘡癥平復精神如故氣力完全方  
無所忌百日內慎勿觸犯之

禁忌 十五

薛仲景先生治傷寒有汗吐下三法東垣先生治瘡  
瘍有疎通托裏和榮衛三法用之得宜厥疾瘳矣假  
如瘡瘍腫硬木悶煩熱便秘脈沉而實其邪在內當  
先疎其內以下之焮瘡作痛便利調和脈浮而洪其  
邪在表當先托其裏以汗之元戎云榮衛充滿抑遏  
而為癰者當泄之以奪盛熱之氣榮衛虛弱壅滯而  
為癰者當補之以接虛怯之氣又東垣先生云瘡瘍  
雖面赤伏熱不得攻裏裏虛則下利仲景先生云瘡  
家雖身體疼痛不可發汗汗之則發瘕苟不詳審妄  
為汗下以致血氣虧損毒反延陷少壯者難以潰斂

老弱者多致不救

東垣瘡瘍及諸病面赤雖伏火熱禁不得攻裏為陽氣怫鬱邪氣在經宜發表以去之故曰火鬱則發之雖大便數日不見宜多攻其表以發散陽氣少加潤燥藥以潤之如凡風脈風證只用發表風藥便可以通利大便若只乾燥秘滯尤宜潤之慎不可下也九竅不利皆不可下瘡瘍鬱冒俗呼昏迷是也慎不可下汗之則愈

丹溪精要云大黃治癰疽之要藥以其宣熱拔毒又云瘡始作皆須以大黃等湯極轉利之且排日不廢繼又自言患癰疽者每有泄瀉皆是惡候此是不能無疑者也借曰前用大黃恐因病體實而大腑秘結有積熱沉痼之積者發也止可破結導滯推令轉動而已豈可謂極轉利之而且排日不廢乎若下利之後又與利藥恐非防微杜漸之意瘡之始作即周禮腫瘍之時也腫在肌肉若非大滿大實堅之證自當行仲景發表之法借五香湯為例散之於外何必遽以峻下之藥以奪其裏自取其禍乎

精要云大凡癰疽不可含五香湯此又不能無言者也開卷便於第一論中詳言之吾不知良甫之時有

許多大腑堅秘病氣鬱塞若是之頑厚可以驟散而  
大下者若果有之亦當開陳時之先後證之可否庶  
乎後人不敢孟浪殺人也或曰癰疽用大黃走泄以  
去毒自孫真人行千金方已言之矣良甫祖述其說  
何吾子病之深也曰大黃除諸實熱而性峻急孫以  
盛行奇術於公卿間時在晚宋民不知兵交游於富  
貴之家肉食之輩固皆捷効今良甫不分貧富苦樂  
勞逸一槩用之寧無孟浪之患乎况有房勞而虛者  
憂怒而虛者極意貪求而虛者強力動勞而虛者大  
弊過飽而虛者皆因氣弱而瀉血少而濁生疽固是

難治之病若太腑秘而稍安穀食肯守戒律甘心澹  
味者猶為可治但費補工夫耳苟因旬日半月大便  
秘實不知其氣不降也便以為實而行大黃此少寒  
熱不知其血氣不和也便以為有外感而行表散如  
此害人甚速

忌汗

仲景云瘡家雖不疼痛不可發汗汗之則瘡發汗為

非謂諸托裏之藥輕輕表散也

丹排膿肉補十宣散若用之於此少癰疽與冬月儘  
可助內托之功若於冬月腫瘍用之亦可轉重就輕  
移深為淺若潰瘍與夏月用之其桂朴之溫散佐以

十宣  
於夏  
月與  
瘡家



內托散忌於老弱  
熱內發忌

防風白芷吾恐雖有參芪難為倚仗此見世人用此  
方者不分癰疽冬夏無經絡無先後如盲人騎瞎馬  
半夜臨深池危哉 又云內補十宣散瀉衛燥血藥  
太多止可用於輕小證候虛之甚者恐難倚仗  
精要云內托散一日至三日之內進十數服治毒氣  
攻衝臟腑名護心散此方專為服丹石而發疽者若  
不因丹石而發恐非必用之劑若夫年老病深者  
證憊者體重者菜豆雖補將有不勝重任之患矣  
丹夫外施敷貼正與發表之意同經曰發表不遠熱  
大凡氣得熱則散冷則斂向見鄭經歷性嗜酒與煎

燁年五十餘忽春末夏初在額絲竹空穴湧出一角  
長短大小如鷄距稍堅求字治予曰此非膏梁所致  
而何宜斷厚味先解食毒針灸以開泄壅滯未易治  
也此少陽經所過氣多血少者鄭以憚煩召他醫以  
大黃朴硝腦子等冷藥罨之一夕豁開如醬蚶徑三  
寸一二日後血自蚶中濺出高數尺而效此冷藥外  
逼熱鬱不得發宜其發之暴如此也 李世英疽不  
熱不痛屬陰切不可用冷藥敷貼恐逼毒氣入內  
薛內經云五臟不和九竅不通六腑不和留結為癰  
又云形傷痛氣傷腫此則臟腑不和瘡發於外也明

本草

卷十一

十一

矣塗貼寒涼豈能調和臟腑宜通氣血耶設使瘡痛  
熱渴脈滑數而有方屬純陽宜內用濟陰丹外用益  
陽散則熱毒自解瘀滯自散若似瘰非瘰似痛非痛  
似潰不潰似赤不赤脈洪數而無力屬半陽半陰宜  
內用沖和湯外用陰陽散則氣血自和瘀滯自消若  
微腫微痛或色黯不痛或堅硬不潰脈洪大按之微  
細軟弱屬純陰宜內服回陽湯外敷抑陰散則脾胃  
自健陽氣自回丹溪先生云敷貼之劑應酬輕小熱  
證耳若不辨其陰證陽證之所出分而妄敷寒涼之  
劑迷寒腠理凝滯氣血毒反內攻而肉反死矣况運

氣得寒而不健瘀血得寒而不散瘀肉得寒而不潰  
新肉得寒而不生治者審焉

螞針法謂開門放毒以為要捷恐可施於輕小證候  
耳愚謂螞之所吮止膚間惡血若積毒於臟腑者徒  
竭之於外而不及於裏恐未為得往見張光之子甫  
二歲遍身赤疹如霞片予向見其母父病疔謂毒熱  
在血所成者張曰誰不因母血所成何謂毒熱之血  
予曰其母雖疔食肉如平時肉性熱與宿痰之熱相  
搏非毒歟張不之信自取五六太螞吮其血疹頓消  
乳食起居如舊予曰非其治也未可以為喜張怒越

二三日大發熱而暴死非竭之於外血去而氣不能

獨居乎

薛氏論見前內消條

思敗 毒 輕證 忌重

薛用藥之法如執權衡當察病勢輕重邪畜表裏瘡毒瘰癧元氣虛實若不詳究其因率爾投治實實虛虛七惡之禍不能免矣治者審之 吳岸盛原博掌

後患疥紅絲至腕惡寒發熱勢屬表證與奪命丹一服紅絲頓消又用和解之劑大勢已退彼別服敗毒藥發熱口乾紅絲仍見脈浮大而虛此氣血受傷而然以補中益氣湯主之而愈蓋奪命敗毒性尤猛烈

瘡邪已散而復用之是誅伐太過失內經之旨矣

一儒者元氣素弱予補其氣血出膿而愈後因勞役瘡痕作癢乃別服敗毒藥一劑以致口噤舌強手足

搐搦痰涎上涌自汗不止此氣血傷而發瘡也用十全大補加附子壹錢灌服而甦 一男子患疥服奪

命丹汗不止而瘡不痛熱不止而便不利此汗多亡

陽毒氣盛而真氣傷矣用參芪歸朮芍藥防風五味

二劑諸證悉愈惟以小便不利為憂予曰汗出不宜

利小便汗既止陽氣復而自利矣仍用前藥去防風

加麥門倍用當歸黃芪四劑便行瘡潰而愈

膏  
東垣曰瘡瘍食肉乃自棄也瘡瘍乃營氣而作今反  
補之自棄何異雞用藥治不能愈也 精要曰羊鷄  
牛鵝魚麩煎炒炙酒等味犯之必發熱用梔子黃  
芩湯最效 丹溪曰梔子苦參犀角佐輔人參固可  
解食毒之熱若寒身與虛人寧無加減乎肉經謂膏  
梁之變足生大疔此言瘡疽之因也禁戒厚味恐其  
引起宿火之熱此誠富貴養口腹者所當謹若素  
貧者大不然矣予治一人背癰徑尺穴深而黑家貧  
得此急作參耆歸朮膏多肉餽飽與之而安多肉餽  
飽補氣之有益者也

腫瘍 十六

癰疽初發壅腫而未見膿者也 集驗論瘡瘍之法  
其名有三曰癰曰疔癰者初生突起浮赤而無  
根脚腫見於皮膚間止闊一二寸有少疼痛數日後  
則微軟薄皮剝起始出清水後自破膿出如不破用  
替鍼丸拔毒膏貼之膿出即愈癰者初生紅腫突起  
無頭便用火鍼鍼之即散不散鍼侵根脚闊三四寸  
發熱惡寒煩渴或不發熱抽掣疼痛四五日後按之  
微軟此證毒氣浮淺春夏宜用防風敗毒散加葱頭  
薑棗煎服秋冬去薑棗葱頭加木香身半已上加插

身半已下宜加射干治早者即散或用追毒丸返  
魂丹復元通氣散微利之膿成用鉞針破開或用替  
針丸咬開又一等皮色不變但畧微腫肌肉內痛夜  
間痛甚發熱惡寒煩渴此熱毒深亦名爲疔謂其能  
傷筋脉骨髓也日以按之心中微軟膿成後用火烙  
烙開以决大膿外用拔毒乳香膏貼之宜服內托之  
藥初發急用大針於腫硬處針之則散疔者初生白  
粒如粟米大便覺癢痛觸著其痛應心此疔始發之  
兆也急用火針於白粒上針開或誤觸破或入湯便  
覺微赤腫痛三四日後不散根脚赤暈展開須詳看

之方見其暈闊狹如闊四五寸左右渾身發壯熱微  
渴瘡上亦熱此疽也用火針於初起白粒上刺入一  
寸餘徑寸之間四邊刺四處便用四味紫葛湯淋洗  
一日夜共五六次洗之洗了以軟帛拭乾看疽上或  
有漸生白粒如黍米或多或少可用銀篋兒挑出勿  
令見血或有少血亦不妨不見血尤妙却用老皮散  
傳之用涼水調大鐵箍散圍貼却留瘡口瘡口處用  
水調正鐵箍散貼之未可用膏藥如再要洗須先去  
圍藥令淨然後洗之一次洗一次點檢疽上漸生白  
粒有則如前挑之六七日瘡頭無數如蜂房膿不肯

出仍淋洗圍貼冬月用五香連翹湯大黃一味隨虛  
實加減夏秋用黃連羌活散春末夏初用防風敗毒  
散加葱白棗煎服秋去之加木香若形氣實脉洪滑  
有力痛腫焮開壯熱便閉於五利大黃湯漏蘆湯返  
魂丹追毒丸復元通氣散選一藥以通利之若大便  
潤便止藥四十歲已前可用之虛弱年老之人雖有  
便閉之證須慎之勿令過也瘡熱暈赤焮開圍貼如  
赤暈收斂却再換鐵箍散不及用火針證七八日後  
中間初起白粒處此竅已潰通內太膿可用皮紙搥  
小紙紵撚入竅中令透漸漸流出可不用針砭如要

膿透必以大針刺開或周圍四五處其竅四邊如蜂  
房處膿不肯出用正鐵箍散香油調貼一證初生白  
粒誤觸後便覺情懷不舒暢背上沉重如負五七斤  
米樣身體煩疼胸膈痞悶而躁飲食無味怕聞食氣  
所謂外如麻裡如瓜者疽毒深惡內連腑臟也三五  
日內皆可用烙於中間左右上下令毒氣通暢後膿  
從諸竅而出五六日不散疽頂生白粒如椒者數日  
後漸生多間有大如蜂房蓮子者指捺有膿血而不  
流時有清水流出微腫不突根脚紅暈漸漸展開或  
痒痛或不痛或根脚暈紫赤焮開至七八寸疽不甚

熱此證甚重用紫葛湯加米醋一盞淋洗可使紅活  
如法去白粒傅老皮散圍大箍散瘡口塗正鐵箍散  
每用前法如得根脚紅暈收疽突此藥力到變重為  
輕如起第一顆頂上白粒雖有膿而紅引不透按之  
猶硬或漸不疼便宜用火烙開透若根脚仍舊紫黑  
瘡反陷下如牛項之皮漸變黑色肌骨腐潰恍惚沉  
重用拔毒乳香膏貼四邊仍用大鐵箍散圍却用猪  
蹠湯洗此數項變證必多又宜隨證調理脉若虛弱  
便用大料人參當歸濃湯調解毒行經之藥凡癰疽  
必服萬全散夏月用桃紅散服以護心若見膿之後

當以潰瘍法調理

按集驗治法未可盡據為準繩更當以後論為主參酌諸方用之

大法腫高焮痛脉浮者邪在表也宜托之如內托  
復煎散 腫硬痛深脉沉者邪在內也宜下之如黃  
連肉踈湯仙方活命飲苦參丸 外無焮腫內則便  
利調和者邪在經絡也宜調和榮衛如托裡榮衛湯  
白芷升麻輩 焮痛躁煩或咽乾作渴者宜降火如  
黃連解毒湯 焮痛發熱或拘急或頭痛者邪在表  
也宜散之如荆防敗毒散人參敗毒散輩 大痛或  
不痛者邪氣實也隔蒜灸之更用解毒如仙方活命  
飲 煩躁飲冷焮痛脉數者邪在上也宜清之如清

涼飲或金銀花散 惡寒而不潰者氣實無寒邪也  
宜宣而補之如十宣散 焮痛發熱汗多大渴便秘  
譫語者結陽證也宜下之如黃連內疎湯破棺丹輩  
不作膿或熱而不潰者虛也宜補之如補中益氣  
湯八物湯十全大補湯輩 焮痛或不痛及麻木者  
邪氣盛也隔蒜灸之 腫痛或不作膿者邪氣凝結  
也宜解之如仙方活命飲 腫痛飲冷發熱腫語者  
火也宜清之如清心湯或防風通聖散加芒連 不  
作膿或不潰及不斂者陽氣虛也宜補之如托裏消  
毒散

潔古云瘡瘍者火之屬須分內外若其脉沉實當先  
疎其內以絕其原也其脉浮大當先托裏恐邪氣入  
內也有內外之中者邪氣至甚遏絕經絡故發癰腫  
經曰榮氣不從逆於肉理乃生癰腫此因失托裏及  
失疎通又失和榮衛也治瘡之大要須明托裏疎通  
行榮衛三法托裏者治其外之內疎通者治其內之  
外行榮衛者治其中也內之外者其脉沉實發熱煩  
躁外無焮赤痛甚邪氣深於內也故先疎通臟腑以  
絕其原內疎黃連湯外之內者其脉浮數焮腫在外形證  
外顯恐邪氣極而內行故先托裏以防其干也內托  
復煎



散內外之中者外無熾惡之氣內亦臟腑宣通知其在經當和榮衛也當歸黃芪湯用此三法之後雖未瘥必無變證亦可使邪氣峻減而易痊也東垣云瘡疽之發其受之有內外之別治之有寒溫之異受之外者法當托裏以溫劑反用寒藥則是皮毛始受之邪引入骨髓受之內者法當疎利以寒劑反用溫劑托裏則是骨髓之病上徹皮毛表裏通潰共為一瘡助邪為毒苦楚百倍輕則危殆重則死矣予聞潔古云瘡瘍之生也表裏不同或攻或發少有差舛變證隨能殺人甚於傷寒也針灸施治各隨其宜所用之藥

又當明入五臟君臣是其法也

內疎黃連湯 治嘔嗽心逆發熱而煩脉沉而實腫

硬木悶而皮色不變色根係深太病遠在內臟腑

秘澀當急疎利之

黃連

芍藥

當歸

檳榔

木香

黃芩

梔子

薄荷

桔梗

甘草

各壹兩

連翹

貳兩

右除檳榔木香為末外並剉每服壹兩水壹盞半煎壹盞先喫壹貳服次每服加大黃壹錢再加貳

深者直疎通

重傷

外科

五

錢以利爲度如有熱證止服黃連湯大便秘澀加大黃如無熱證止用復煎散時時呷之如此內外皆通榮衛和調則經絡自不遏絕矣  
內托復煎散 治腫癩於外根盤不深形證在表其脈浮痛在皮內恐邪氣盛則必侵於內急須內托以救其裡

地骨皮

黃芪

防風

各貳兩

芍藥

黃芩

白朮

茯苓

人參

甘草

當歸

防己

桂枝

右咬咀先將蒼朮壹斤用水伍升煎至叁升去蒼朮滓入前藥拾貳味再煎至叁肆盞絞取清汁作叁肆服終日服之又煎蒼朮滓爲湯去滓再依前煎拾貳味藥滓服之此除濕散鬱熱使胃氣和平如或未已再作半料服之若大便秘及煩熱少服黃連湯如微利煩熱已退却服復煎散半料如此使榮衛俱行邪氣不能內侵也

當歸黃芪湯

治瘡瘍臟腑已行而痛不可忍者

當歸

黃芪

地黃

川芎

地骨皮

芍藥

各半錢

榮衛已表  
榮衛已行  
榮衛已和

瘡瘍

瘡瘍

五上

右吹咀水煎服。如發熱加黃芩。如煩躁不能  
睡卧者加梔子。如嘔則是濕氣侵胃倍加白朮。  
右三方乃易水師弟治瘡之三法。今特列於篇首。  
而以古今諸方臚列於後。臨病之工詳審脉證而  
施用之。庶乎可以無失矣。

**發表**內經曰汗之則瘡已。東垣云東南二方者在人  
則為丙小腸熱。甲膽風。小腸與膽皆居其下。其性炎  
上。其瘡外有六經之形證。內無便溺之阻隔。飲食如  
故。清便自調。知不在裏。非疽瘡也。止癰癤也。小則為  
癰。大則為癰。其邪所受於下。風濕之地。氣自外而來。

侵加於身者也。經云營氣不從逆於肉理。乃生癰腫。  
諸痛痒瘡皆屬心火。此瘡自外而入。是丙小腸左遷  
入於膽作痛而非癢也。此二方皆主血。血為病必痛。  
此元氣不足。營氣逆行。其瘡初出。未有傳變。在於肌  
肉之上。皮毛之間。只於風熱。六經所行經絡地分出  
矣。宜瀉其風濕熱。醫者只知陰覆其陽。則汗也。此宜  
發汗者。乃濕熱鬱其手足。少陽致血脉凝逆。使榮衛  
周身元氣消弱也。其風熱鬱滯於下。其面色必赫赤。  
而腫微黯色。東方青埋沒之色也。風木之性上衝。顏  
必忿色。其人多怒。其瘡之色亦赫赤。腫硬微帶黯色。

其瘡之形勢亦奮然高起結硬而作痛也其脈止在左手左手主表左寸外洪緩左關洪緩而弦是客邪在於血脉之上皮膚之間宜急發其汗而通其榮衛則邪氣去矣以托裏榮衛湯主之 劉宗厚曰前論大要三法卽此瘡宜汗之及先托裏恐邪氣入內言外因也宜先疎內以絕其源言內因也當和榮衛謂不內外因之證也故瘡之發於皮表者因大畧言汗其汗下和之間然亦有外治之次第焉如郭氏治驗云一婦人五十九歲右耳下天容穴間患一疔瘡其頭黑靨四邊泡起黃水時流渾身麻木發熱譫語時

時昏沉六脈浮洪用烏金散汗之就以鉗針先刺瘡心不痛周遭再刺十餘下紫黑血出方知疼痛就以寸金錠子紆入瘡內外用提丁錠子放於瘡上膏藥貼護次日汗後精神微爽却用破棺丹下之病卽定其疔潰動後用守効散貼塗紅玉錠子紆之八日其疔自出矣茲所謂審脈證汗下之間外治次第如此殊勝不察脈證但見發熱譫語便投涼劑與下或兼以香竄之藥遂致悞入者遠矣

丹溪曰癰疽因積毒在臟腑非一朝夕今發於外宜以標本爲治當先助氣壯胃使根本堅固而以行經

活血為佐參以經絡時令使毒氣外發此正仲景解  
表用麻黃桂枝之意施治之早可以內消此乃內托  
之本意也

托裏榮衛湯 治癰疽疔腫及無名腫毒

桂枝分 人參 黃芪

紅花 蒼朮 柴胡

連翹 當歸身 羌活

黃芩 防風 甘草炙各壹錢

右作壹服水壹鍾酒壹鍾煎至壹鍾食前服

加味當歸飲子 治諸瘡瘍諸痛癢瘡皆屬心火火

鬱則發之

當歸 生地黄 升麻各伍錢

防風貳錢伍分 荆芥穗 何首烏各貳錢

柴胡 白芍藥 川芎

羌活 黃芪各貳錢 紅花

蘇木 甘草各壹錢

右咬咀每服伍錢水貳盞生薑參片煎至捌分食

遠服沐浴取微汗効速使血氣通和服之應効

人參敗毒散

人參 獨活 柴胡

散

桔梗炒

羌活

枳殼麸炒

茯苓

川芎

前胡

甘草各壹錢

作壹劑水貳鍾薑參片煎壹鍾服後服內托復煎

散

郭氏神効烏金散

治癰疽疔腫時毒附骨疽諸惡

瘡等證若瘡黑陷如石堅四肢冷脉細或時昏昧

謔語循衣煩渴危篤者服此汗之瘡起

蒼耳頭端午日午時收

小草烏頭

火麻頭火日收

木賊去節

蝦蟆頭

樺皮節煎

麻黃去根節

右曬乾各等分同入磁器內鹽泥固濟炭火內從

早煨至申分如黑煤色為度碾為末每服貳錢病

重者參錢用熱酒調下未汗再壹服如汗乾却服

解毒疎利之藥如修合此藥必選天晴好日於靜

室中勿令雞犬猫畜及陰人見也又名首功玄黑

散

奪命丹 治諸般腫毒疔疽惡瘡

蟾酥

輕粉各伍分

硃砂錢叁

白礬枯

寒水石

銅綠各壹錢

腫瘍

外丹

五五

散

蝸牛

叁拾壹粒另研

乳香

沒藥

麝香

壹錢

右件為細末將蝸牛另碾壹處丸如丸不就用好酒糊為丸如菉豆大每服壹丸生葱參伍蒸嚼極爛吐於手心包藥在內熱酒和葱送下如重車行伍柴里汗出為効重者再服壹貳丸

蟾酥丸

治疔黃一切惡瘡

川烏

蓮花蕊

硃砂

各壹錢

乳香

沒藥

輕粉

各壹錢

蟾酥

各壹錢

麝香

伍分

右為細末糊為丸菉豆大每服壹丸病重者貳丸依前法服取汗

右三方郭氏稱為首藥皆主平發散首出太陽例後三方出少陰例然皆劫劑也智者當較輕重陰陽之分取擇用上

寸金丹

二名返魂丹三名再生圓四名追命丹五

名延壽圓六名來甦圓七名知命圓八名得道圓非人勿示此方若有入患瘡身未爛者與三圓服之嚥下便活如口噤但幹開牙關研化三圓灌下喉中立生此方治發背腦疽癰腫徧身附骨腫痛

先覺時飲水口中煩渴發熱四肢沉重體壯執

麝香壹分 南乳香 烏金石

輕粉 雄黃 狗寶

沒藥各壹錢 蟾酥貳錢 粉霜

黃蠟各叁錢 礪砂伍錢 鱧魚膽

狗膽各壹箇 金頭蜈蚣柒條全者

頭首男孩兒乳壹合

右件為細末除黃蠟乳汁二味熬成膏子同和丸

如菽豆大小兒丸如芥子大每服壹丸病重者加

參丸白寸香柴箇研爛新汲水調送下用衣服蓋

之睡勿令透風汗出為度大段疼痛如無頭瘡腫

不過三服立效服藥後喫白粥瓜齏就睡大妙

烏金散 治疔毒腫痛

牙皂肆分 人言製 蟾酥

麝香各伍分 血餘煨過 蛇蛻服過

蜂房煨各壹錢 蟬蛻酒洗 血竭

乳香炙 蠟蠶炒去絲各貳錢 辰砂研水

雄黃 穿山甲炙黃各貳錢伍分 全蝎叁錢湯泡

天龍肆錢酒炙 川烏尖 沒藥炙

右各為細末稱准分兩和勻每服叁分赤砂糖調



葱頭酒送下取汗為度

勝金丹 治症同前

麝香

白砒製各伍分

蟾酥壹錢

雄黃

辰砂

乳香

沒藥

血竭各壹錢伍分

全蝎泡炙

天龍去頭足炙

穿山甲炙各叁錢

殭蠶炙去絲伍錢

右為細末和勻服法同前

奪命丹 治證同前

輕粉

麝香

白砒製各伍分

白礬煨

辰砂為衣

血竭各壹錢

蟾酥乾者貳錢酒化入藥 銅綠

寒水石煨

乳香

沒藥

雄黃各貳錢

蝸牛貳拾壹箇連殼

右為末先將蝸牛研爛如泥勻和煎藥為丸如菜

豆大如丸不就加好酒打叁伍百下每服貳叁丸

先用葱白叁寸與病者嚼爛吐於男左女右手心

將藥丸裹入葱白用無灰酒叁肆盞溫熱送下被

蓋取汗為度重者不過叁服

右自烏金散以下皆治毒瘡初發憎寒壯熱面赤

身拘急疼痛者取汗之峻劑東垣雖左袒汗而托

重宜勿誤表

五八

太陽  
分所  
藥

裏榮衛一方則固丹溪所謂助氣壯胃使根本堅  
固而以行經活血為佐者也與烏金奪命之取汗  
異矣當歸飲子亦同此意而微有氣血溫涼之分  
焉故與敗毒散同列為發表之方而後所列東垣  
分經諸方則正丹溪所云云雖曰解表不以取汗  
為功尤可師法學者詳之

垣通父家霍梗於死醫上足太陽經生癰堅硬腫痛  
大作左右尺脉俱緊按之無力  
內托羌活湯

羌活

黃柏

酒洗各  
貳錢

防風

藁本

連翹

當歸

各錢

肉桂

甘草

蒼朮

陳皮

黃芪

壹錢  
伍分

右作壹服酒貳大盞水壹大盞煎至壹盞去香熱  
服空心以來被蓋覆其癰使藥行罷去之壹服愈  
丹王姑丈七十餘患項疽脉實而稍大此因憂悶而  
生太陽經治之

歸頭

黃柏

壹錢  
半酒

黃芪

羌活

地黃

酒

黃芩

炒酒

桔梗

黃連

炒酒

連翹

重身  
藥表

小斗一

五九

別錄  
外利一  
五九

防風

甘草生

人參

陳皮

防己

澤瀉分伍

白水煎服

淨腋湯 治皮膚痒腋下瘡背上瘡耳聾耳鳴

麻黃

草薢

防風

柴胡

黃芩酒

蒼朮錢各壹

桂枝

羌活錢各貳

桔梗

甘草

生地分各伍

當歸稍分柒

紅花許火

升麻分半

連翹半壹錢

右剉如麻豆大都作壹服水貳太盞煎至壹盞去

查稍熱服

陽明分野藥

尹老家素貧寒形志皆苦於手陽明經分出癰第四日忽腫幼有癩疔其臂外皆腫痛先腫在陽明左右寸皆短中得之俱弦按之洪緩有力此癰得自入風之變以脉斷之邪氣在表然其證大小便如故飲食如常腹中和口知味知不在裏也不惡風寒止熱躁脉不浮知不在表也表裏既和知邪止在經脉之中疑滯為癰出身半已上風從生受之也故與卻寒邪和經脉中氣血使無凝滯也

白芷升麻湯

種易表  
水斗一

六一

白芷分

升麻

桔梗各伍分

甘草炙

黃芩生

歸稍

生地各壹錢

酒黃芩

黃芪

連翹各貳錢

中桂少

紅花壹

右水酒各壹盞同煎至壹盞臨卧熱服壹服愈

此證雖曰經脉之中然得之自八風之變其藥制

度皆發表之意

婦人兩乳間出黑頭瘡瘡頂陷下作黑眼子其脉弦

洪按之細小

升麻

連翹

葛根各壹錢半

肉桂分

黃芪

歸身

甘草各壹錢

黍粘子分

黃柏錢

右作壹服水壹盞酒半盞煎至壹盞貳服愈

羅汗之則瘡已 丁巳年委予從軍回住曹州有趙

同知舅經歷病頭面赤腫耳前後尤甚疼痛不可忍

發熱惡寒牙關緊急涕唾稠粘飲食難下不得安卧

一瘍醫腫上砭刺四五百餘針腫赤不減其痛益甚

不知所由然予往診視其脉浮緊按之洪緩此寒覆

皮毛鬱遏經絡熱不得升聚而赤腫經云天寒地凍

則水冰人氣在中皮膚緻腠理閉汗不出血氣強肉

種瘍表

小汗

六十一

堅澇當是之時善行水者不能注水善穿地者不能鑿凍善用針者亦不能取四厥必待大溫水釋凍解而水可行地可穿人脉亦猶是也又曰冬月閉藏水冰地拆故用藥多而少針石也宜以苦溫之劑溫經散寒則已所謂寒凝腠理以苦發之以辛散之也宜以托裏溫經湯麻黃苦溫發之者也防風辛溫散之者也升麻苦平葛根甘平解肌出汗專治陽明經中之邪故以為臣血流而不行者則痛以香白芷歸身辛溫以破血散滯濕熱則腫蒼朮苦甘溫體輕浮力雄壯能泄皮膚腠間濕熱人參甘草甘溫白芍藥酸

微寒調中益氣使托其裏也故以為佐各剉如麻豆大同秤水煮解之以薄衣覆其手以厚被覆其身且臥於暖處則經血溫腠理開寒乃散陽氣伸大汗出腫減八九再服去麻黃防風加連翹黍粘子痛腫悉去經言汗出則瘡已信哉

托裏溫經湯 治寒覆皮毛鬱遏經絡不得伸越熱伏榮中聚而赤腫痛不可忍惡寒發熱或相引肢體疼痛

麻黃去節

白芷

當歸各錢

防風去蘆

葛根各錢

升麻錢

甘草 炙

白芍藥 各壹錢半

人參

蒼朮 各壹錢

右判如麻豆大每服秤壹兩水貳盞先煮麻黃令沸熟去沫再下餘藥同煎至壹盞去渣大溫服訖卧於暖處即以綿衣覆之得汗而散

火陽 厥陰 癱

垣蒲津王世祥年七十感寒濕地氣二月間得附骨癱於左腿外側足少陽之分少侵足陽明分闊六七寸長一小尺堅硬漫腫不辨肉色皮澤深以指按至骨大痛又行步作痛與藥下咽疼痛立止二日後柔輒而腫消矣

內托黃芪酒煎湯

柴胡

黍粘子 各錢

連翹

肉桂 各壹錢

黃芪

當歸 稍各貳錢

黃柏

甘草 各伍分

升麻 柒分

作壹貼好酒壹盞半煎至壹盞大溫空心食消盡服之少時以早膳壓之使不令太熱上攻犯上中一焦也

賈德茂男十歲四月天氣大熱於左足大腿近膝股內足厥陰肝之經少侵足太陰脾之經分出附骨疽不辨肉色漫腫皮澤木硬痛勢甚大其脉在三部細

重寫表

小十一

六三

弦按之洪緩畧有力

內托黃芪柴胡湯

黃芪錢貳

柴胡稍錢壹

羌活分伍

連翹錢壹貳分

肉桂分叁

土瓜根酒壹錢

生地錢壹

黃栢酒叁分

當歸尾半柒分

右作壹服酒壹盞水參盞煎至壹盞空心熱服壹服愈

右方皆東垣及羅謙甫丹溪隨癰疽所發分野制之也其方皆以發表為先不過一二服而愈如癰疽發在太陽經分野必用防風羌活陽明經分野

必用香白芷升麻少陽經分野必用柴胡太陰經分野必用芍藥升麻少陰經分野必用獨活厥陰經分野必用青皮柴胡皆以桂佐之身半已下者必用酒水多熟煎之空心服使藥下行身半已上者必用酒水少帶生煎之臨臥服使藥上行脈細小無力必於本經藥中加辛熱劑脈洪大有力必於本經藥中加苦寒劑隨證加減活潑潑地其効如神真良醫也

平涼解表脈有力而數者春夏者宜之其藥則前條東垣謙甫丹溪諸方除托裏溫經湯皆是也

丹呂孺人惡寒發熱腹上有小疽此血少有熱與此藥

白朮

川芎 叁錢

赤芍藥

連翹 貳錢

陳皮

黃芩

防風 貳錢

木通 壹錢半

甘艸 伍分

分五貼水煎服

又治一好酒老媪腦疽脉弦緊急且濇用太黃酒煨細切酒拌炒為末又酒拌炒人參入薑煎調壹錢重過兩時再與得睡而上半身汗睡覺病已亦辛涼解表之意

當歸拈痛湯

治一切風濕熱毒浸淫瘡瘍下注濕

毒脚膝生瘡赤腫裏外腫瘡膿水不絕或痒或痛脉沉緊實數動滑者並宜服之

羌活

人參

苦參 酒製

升麻

葛根

蒼朮 各貳錢

甘草 炙

黃芩 酒製

茵陳葉 酒炒 半兩

防風

當歸身

澤瀉

知母 酒製

豬苓 各叁錢

白朮 壹錢半

右咬咀每服壹兩水煎空心服臨睡再服之按此是太陽陽明三陰藥也東垣本處為治脚氣

種宜易解表 外斗



濕熱之劑然世人用治已上諸瘡甚驗故錄之  
縮毒金粉散遺治但疼痛不急脹

乾葛

甘興

鬱金

川芎

瓜蒌根

白芷

各等分

右並生為末每服壹錢溫酒入蜜調下不拘時此  
藥大散五臟積毒凝滯日三服

復煎散

治癰疽發背

黃蘗

黃芩

黃連

知母

生地黄

酒洗各壹錢

防已

山梔

羌活

黃芪

麥門冬

甘艸

獨活

人參

各半錢

當歸尾

貳錢

陳皮

防風稍

甘艸稍生

蘇木

當歸身

五味子

豬苓

藁本

連翹

桔梗

各壹錢半

右咬咀每服肆錢水壹盞煎至柒分去滓隨證上  
下食前後服

羌活當歸湯

腦疽

黃蘗當歸湯

發背

黃連消毒飲

腦疽

內托升麻湯

乳癰

散腫潰堅湯

升麻調經湯

並癰瘰

連羌散堅湯

消腫湯 並馬刀

柴胡通經湯 馬刀

郭氏升麻牛蒡子散 時毒

中和湯 時毒

**辛平解表** 不寒不熱半陰半陽者宜之

良方升麻和氣飲

治瘡腫癰疥疔痛

甘草

陳皮 各壹兩半

芍藥 柒錢半

大黃 半兩煨

乾葛

蒼朮

桔梗

升麻 各壹兩

當歸

茯苓

白芷 各貳兩

乾薑

枳殼 各半錢

二因方有厚朴 半錢

右吹咀每服壹兩水煎

按此手足太陰陽明經藥也五積散加減法世俗多用之故收入蓋欲燥脾胃勝濕和氣為治瘡之劑然臨證而不通變恐未合宜也

當歸飲子 見前

聖濟總錄金鍼散 治發背諸瘡腫

皂角針 春頭一兩半黑者

右一味不拘多少晒乾為末食後酒調貳叁錢服按丹溪曰此藥治癰疽已破未破皆用直領到潰處謂當入羣隊中用也

脈無力而緩者秋冬者宜之

精要十宣散

人參

當歸

黃芪

各貳兩

川芎

防風

厚朴

桔梗

官桂

甘草

白芷

各壹兩

右為細末每服貳錢加至陸錢止熱酒調下日數服以多為妙不欲酒者用木香濃煎湯下然不若酒力之勝也許學上云此方得于都下異人濟苦者不可勝數陳無擇謂此藥在第四節服者非

也早服守病者必消散

衛生寶鑑曰諸痛痒瘡瘍皆屬心火言其常也如瘡盛形羸邪高痛下始熱終寒此反常也固當察時下之宜而權治故曰經者常也法者用也醫者意也隨其宜治之可收十全之功矣故此方用之於癰疽初發或已發或內托然瘡證脈緩澁或身倦惡寒熱少脈弦或緊細者宜用之散風寒助陽之劑也表裏氣血之藥若施之於積熱焮毒更不分經絡時宜不能無誤也丹溪曰精要謂排膿肉補十宣散治未成者速散已成者速潰誠哉是言

也若用之於此小癰瘡與久月時令儘收內托之功若於冬月腫瘍用之亦可轉重就輕移深為淺若潰瘍於夏月用之其桂朴之溫散佐以防風白芷吾恐雖有參芪難為倚仗比見世人用此者不分癰疽冬夏無經絡無前後如盲人騎瞎馬夜半臨深池危哉

十六味流氣飲 治無名惡腫癰疽等證

川芎 當歸 芍藥

防風 人參 木香

黃芪 官桂 桔梗

白芷 檳榔 厚朴

烏藥 甘州 紫蘇

枳殼 右咬咀水煎服

按此表裏氣血藥也復以疎風助陽之劑世俗多用之故收入非脉之洪緩沉遲緊細者不宜用此每見外科諸家載此往往不分經絡脉證不具時宜但云化毒消腫有二云不退者加以補氣血之藥蓋又使人不能無疑也用者當觸類而長之凡治瘡瘍不審元氣虛實病在表裏便服敗毒流氣等藥必有失誤蓋敗毒發表藥也果有表症

止宜一二服多則元氣損毒愈盛雖有人參亦莫能補流氣飲耗血藥也果氣結胸滿只宜二三服多則血反致敗雖有芎歸亦難倚仗丹溪曰此不係膏粱丹毒之變因虛勞氣鬱所致也

黃芪 壹兩半

厚朴

防風

桔梗 各貳兩

連翹 貳兩

木香

沒藥 各叁錢

乳香 貳錢

當歸 半兩

川芎

白芷

芍藥

官桂

人參

甘草 各壹兩

右為細末每服叁錢酒壹大盞煎三二沸和滓溫服

**辛熱解表**

脉無力而遲者陰證者太寒之時者宜之

托毒散

治癰疽初起高腫發痛不定喘息氣粗

附子 壹枚炮 去皮尖

當歸

麻黃

甘艸

官桂

川芎

羌活

石葦

龍膽艸

右丸味等分為末每服貳錢水一大盞薑叁片鹽少許同煎

丹溪治一男子年五十餘形實色黑背生紅腫近

骨下痛甚脉數而洪緊食亦嘔正冬月與麻黃桂枝湯加酒黃檗生附子括婁子甘艸節羌活青皮人參黃芪半夏生薑六貼而消此非內托之意歟

攻裏

內疎黃連湯 方見前

聖濟射干湯 治癰疽發背諸瘡腫痛脉洪實數者

射干 犀角 升麻

玄參 黃芩 麥門冬

大黃 各壹兩 山梔 半兩

右咬咀每服伍錢加竹葉芒硝壹錢以利為度

按此足陽明手太陰經藥也

托裏散 治一切惡瘡發背疔疽便毒胎毒脉洪弦

實數腫甚欲作膿者三服消盡

大黃 牡蠣 瓜蒌根

皂角針 朴硝 連翹 各叁錢

當歸 金銀花 各壹兩 赤芍藥

黃芩 各壹錢 為粗末每半兩水酒各半煎服

按此足厥陰太陰陽明經藥也

破棺丹 治諸熱腫一切風熱瘡症發熱多汗大渴

便秘譫語結陽之證

大黃貳兩半生半熟芒硝

甘草各貳兩

右為末煉蜜丸如彈子大每服半丸病重壹丸至貳丸食後重便入酒半盞化服或白湯合酒化服按此仲景正陽陽明經藥也

瀉心湯 治瘡毒癰腫發躁煩渴脉實洪數者

大黃肆兩 黃連 山梔

漏蘆 澤蘭 連翹

黃芩 蘇木各貳兩 犀角壹兩

右咬咀每服叁伍錢水煎服

按此手少陰太陰少陽藥也出足陽明例

清涼飲 治瘡瘍煩躁飲冷熾痛脉實大便秘結小

便赤澁

大黃炒 赤芍藥 當歸

甘草各貳錢 右水煎服

精要漏蘆湯

生黃芪 連翹 沉香

漏蘆各壹兩 粉草半兩 大黃壹兩

右為細末每服貳錢薑棗湯調下

內消升麻湯 治血氣壯實若患癰疽大小便不通

升麻 大黃各貳兩 黃芩壹兩半

枳實 熬炒

當歸

芍藥

甘艸 炙各

右咬咀水煎食前服

孫真人單煮大黃湯

脈實沉而數膏梁食肉之輩大腑秘者詳審用之

錦文大黃 酒洗

右一味剉如麻豆大水煮服

宣毒散 治一切毒瘡其功不可盡述

大黃 煨

白芷 各伍錢

作一劑水貳鍾煎壹鍾食前服

薛按此方乃宣通攻毒之劑若脈沉實便秘者乃毒在臟也宜服之以絕病源其功甚大或臟腑調

和而脈不實恐不可用醫林集要方大黃壹斤白

芷陸兩為末每服叁錢熱酒調下更用茶清調搽

患處命名萬金散蓋因其功而珍之也當以水送

為丸今可服吳江申僉憲兄背患疽木悶堅硬脈

沉實乃毒在內用一服大小便下汚物再服而消

恐患者忽此一藥故以所嘗治驗者告之

治背瘡荆芥穗木鼈子肉大黃歸頭甘艸節除荆芥

穗為君外餘各等分酒水各壹盞煎至米分空心向

東飲即下積與粥便止若結成者用川棟子柒枚燒

灰酒下次與拾肆枚又次與廿一枚三貼後雖結亦



小矣陶氏

內托散 治諸腫毒惡瘡一服立瘳

大黃

牡蠣各半兩

瓜蒌貳枚

甘草叁錢

右剉每服叁錢水壹大椀煎柒分去滓溫服

秘傳背瘡方

大黃伍錢

甘草節壹錢

木鼈仁伍枚

右先將甘草木鼈剉碎同酒水各半小椀砂銚內文武火熬數沸後下大黃煎至柒分去滓盛磁器內以青布覆之明星下露一宿五更溫服打下膿

血是驗却用生料四君子湯煎服

漏蘆湯見四卷股部附骨疽條

車螯散 治癰疽初發腫痛或少年熱盛發背等急

宜宣毒利下熱退為度大人小兒四季皆可服之

紫背車螯壹雙鹽泥固濟火煨輕粉通紅地上出火毒用

甘草各貳錢 大黃伍錢 黃芩

漏蘆去須 瓜根各半兩

右為末每服貳錢薄荷湯下速利酒亦可

內消丸寶鑑 治瘡腫初生及癰癧結核熱毒鬱滯服

之內消

種毒 攻裏

外科

七品

薄荷葉

皂角

不蛀者水煮至軟  
二味各半斤煎膏

牽牛

半斤取  
頭末

青皮

陳皮

各壹兩

沉香

半兩

廣茂

京三稜

炮各  
叁錢

右為末入牽牛頭末用煎膏和丸如菜豆大每服  
叁拾丸煎連翹湯送下食後

神仙解毒萬病丸

又名追毒丸  
一名玉樞丹

治一切毒及菰子

鼠莽菌蕈金石或喫疫死牛馬河豚等毒或時行  
瘟疫山嵐瘴瘧急喉閉纏喉風脾病黃腫赤眼及  
衝冒寒暑熱毒上攻或自縊或溺水或打撲傷損  
癰疽發背瘡腫湯火或蛇蟲犬鼠所傷或中邪狂

例

走鬼胎鬼氣並宜服之居家出入不可無此藥真

濟世衛身之寶毒藥如嶺南兩廣最多若從宦於

此纔覺意思不快服之即安彼澗有草曰胡蔓草

又名斷腸草陰置水中飲之即死又有取毒蛇殺

之以草覆上以水洒之數日菌生其上取為末酒

調以毒人始亦無患再飲酒即發立死其或淫婦

多與北人配合北人回密與藥置食中乃戒之曰

子某年來若從其言婦乃以藥解之過期則必死

矣名曰定年藥凡北人至彼方亦宜知之若覺中

毒四大不調即便服此况彼下藥時必於鷄豚等

肉投之後再食前物必發其毒急服此一錠或吐  
或利隨手便差昔有一女子久患勞瘵為屍蟲所  
噬磨一錠服之一時吐下小蟲千餘條後只服蘇  
合香丸半月遂如常如牛馬六畜中毒亦以此藥  
救之無不効者

文蛤

參兩淡紅黃色者搥碎洗淨一名五倍子

山茨菇

貳兩

續隨子

去殼研細以紙包壓去油再研壹兩

紅芽大戟

洗淨壹兩

錢伍

麝香參錢

右各另為細末和勻以糯米粥和合於木臼中杵  
千餘下每料分作四十錠於端午重陽七夕合如

欲急用辰日亦得勿令婦人孝服不具是人及雞  
犬之類見之合宜珍重否則無効如癰疽發背  
未破用冷水磨塗痛處并服良久覺痒立消陰  
陽二毒傷寒心悶語狂胸膈壅滯邪毒未發及瘟  
疫山嵐瘴氣纏喉風冷水入薄荷一葉同研下  
急中顛邪喝叫亂走鬼胎鬼氣並用暖無灰酒下  
自縊或落水死心頭暖者及驚死鬼迷死未隔  
宿者並冷水磨灌下蛇犬蜈蚣傷並用冷水磨  
塗傷處如腹脹或迷悶者更宜服之諸般瘡疾不  
問新久臨發時煎桃柳枝湯下小兒急慢驚風

五疳入痢蜜水薄荷一葉同磨下 牙關緊急磨  
 一錠外塗內服量大小用之牙痛酒磨塗及含少  
 許吞下 湯火傷東流水磨塗傷處 打撲傷損  
 炒松節酒下 年深日久頭痛太陽疼用酒入薄  
 荷磨紙花貼太陽穴上并服之 諸般癩疾口眼  
 歪斜眼目掣眩夜多唾涎言語謇澁卒中風口噤  
 牙關緊急筋脉攣縮骨節風腫手脚疼痛行步艱  
 難一應風氣疼痛並用酒磨下有孕婦人不可服  
 薛治一婦人腹內結塊久而不消又一婦人月  
 經過期不至腹內作痛服破血行氣之劑不效服

此並痊 一婦人苦頭風作暈數年亦服之吐痰  
 碗許遂不再發 一男子喉閉水漿難下 一男  
 子纏喉風痰涎壅盛 一婦人中風牙關緊急痰  
 涎涌出隨服並愈 一男子便毒堅硬 一男子  
 患痔未成膿苦痛大便俱難各進一錠後去二次  
 痛即止不日而消 一男子患發背瘡頭如粟重  
 如負石內服外塗後去三四次每去肛門如炙即  
 日而瘳 三男子剥自死牛即日遍身患紫泡不  
 計其數已而俱潰各灌一錠吐瀉而甦一藥不下  
 者遂死 一小兒昏憤六日不省一小兒驚風發

搦諸藥不效空口灌之並蘇 一男子中風牙關  
緊急口出涎水亦灌之尋愈 一女子為邪所交  
腹作痞服之隨下惡物其邪仍至又服半錠每夜  
更灸二三錠使烟氣盈屋遂不再至 一家患傳  
屍勞兄弟五人已死者三人有方士令服此藥遂  
各進一錠一下惡物如膿狀一下死蟲如蛾形俱  
獲生其人遂以此藥廣濟屍證無不驗者余常用  
治一切雜病及瘡疽等毒未成膿者其效已成  
膿者亦能殺大勢考其藥品雖不言補今羸瘦之  
人服之並效誠神劑也然以價計之用銀參錢藥

有七十錠可救七十人有力之家當合之以濟人  
近人製此往往加以硃砂雄黃考之諸方並無此  
味余故不用恐亂其真也識者當自知之  
郭氏瑞効丸 治腸癰胃癰內積兼男子婦人積聚  
證

當歸 京三稜 檳榔  
木鱉子 穿山甲 牡蠣  
連翹 枳殼 硃砂  
琥珀 各壹兩 巴豆 貳拾壹粒 麝香 少許  
右為末酒糊為丸 桐子大每服拾丸至貳叁拾丸

重傷 收裏 小 七

溫酒下臨臥再服如利動臟腑減丸數大小便有膿血出者却用別藥調治之

萬靈奪命丹郭氏〇又名延壽濟世膏治一切瘡腫疔疽初起脉沉實及服汗藥後毒氣在裏不盡者宜此下之

朱砂

鹽花各貳錢半

雄黃

明礬生用

楓香各貳錢

赤石脂

黃丹

琥珀

輕粉各壹錢半

麝香

片腦各壹錢

巴豆土去殼木煮十沸

葶麻子

另研各肆拾枚个

右為末用巴豆葶麻子膏和藥為丸如和不就加

煉蜜就成膏收磁器內如用時旋丸芡實大每服

壹丸井花水下或湯亦得忌熱物半日大人小兒以意加減與服

一粒金丹治一切惡瘡癰腫無名腫毒

沉香

木香

乳香各伍分

巴豆霜壹錢伍分

各為細末照稱分數和勻用黑肥棗一箇半去皮搗爛為丸如芡實大每服壹丸量入虛實先呷水一口行一次胃氣壯實者只可呷水三四口不可太過後用水一口送藥下行盡數次以米飲補之

重身發表攻裏

威靈仙飲

生威靈仙 不拘多

每服壹錢空心温酒調服逐日微利為度

戴復菴治癰疽疔毒並威靈仙飲微利之

**姜表攻裏**五香連翹湯 治諸瘡腫初覺一二日便

厥逆咽喉塞發寒熱

沉香

木香

麝香

丁香 各壹兩

乳香 貳兩

連翹

射干

升麻

獨活

桑寄生

甘艸 各壹兩

大黃 壹兩半

木通 貳兩

右咬咀每服伍錢水壹盞半煎柒分温服取利

按丹溪曰精要第一論云不問癰疽瘡疔虛熱冷

熱先與內托散五香連翹湯沉麝湯等諸方不冷

不熱不問老幼少壯陰陽虛實冷熱多服為妙夫

癰疽瘡疔臟腑陰陽有淺深虛實冷熱用藥有補

瀉温涼老幼少壯其稟受厚薄形志苦樂隨年歲

而增損奈何欲以不冷不熱四五方而通治之又

以多服為妙此不能無疑也學者當審經絡察病

機而處治豈可仗此為通治之法乎

千金漏蘆湯 治癰疽丹疔惡肉時行熱毒赤腫

漏蘆

連翹

黃芩

白斂

枳殼

升麻

粉艸

麻黃

朴硝 各壹兩

大黃 壹兩半

右除硝外每服貳錢水壹盞薑叁片薄荷叁葉同煎溫服取利為度

防風通聖散 治時毒熱毒便秘熱燥若時毒饑饉之後胃氣虧損者須當審察非大滿大實不用

防風

當歸

川芎

芍藥

大黃

芒硝

連翹

薄荷

麻黃

桔梗

石膏

黃芩 各壹兩

白朮

山梔

荆芥 各貳錢五分

甘草 貳兩

滑石 壹兩

右水煎服或為末白湯調下仍量入虛實

按此表裏氣血之藥也治一切風毒積熱瘡腫脉候弦洪實數浮緊氣血實盛者不可缺此見近有秘傳外科家方以是藥加人參赤茯苓黃芪蒼朮金銀花名消腫托裏散雖以參芪為主復去人參



無亦可蓋使人不能無疑而難用也且臨證如減  
須較表裏之法如表證多者當從此方以辛甘為  
主散之也裏證多者方可從變故此分辛溫辛平  
辛涼之異

升麻和氣飲

治瘡腫癰疥痒痛

此與前條方大黃有  
多少之異故兩列之

升麻

桔梗

蒼朮

乾葛

甘草

大黃

煨各  
壹錢

陳皮

貳錢

當歸

半夏

茯苓

白芷

乾薑

枳殼

各伍分

芍藥

壹錢

